



106

Gesamelt fabeln. **Das lxxxiij.**
ließ die anderen sein gesellen in dem wasser/der siech volget ernstlich
den gebotten des artztes. Vnd eines males do er vnder der thüre stünd
wan vor forchte wegen der lachen getorst er nicht hin auß gen/ kam ein
iüngling geritten mit zweyen vogel hunden vnd einem habich auffe der
hand dem tüffet er von wunders wegen/Wann durch sein vnspynne hett
er aller ding vergetessen ze nemmen die er vor gewisset hett/vnd do er zü
im kam sprach er. Hör ich bitte dich. sag mir ob du gerne wöllest was ist
das/das dich also füret/vnd warumbe haltest du das der iüngling ant-
wurt im.es ist ein pferdt vnd halt es zü dem beißen. Do fraget er fürbas
Was ist aber das/das du auff der hende fürest vnd war zü bruch est du
das. Er sprach es ist ein habich/mitt dem ich felt hüneer/wachtlen vnd
ander vogel vahe. Do fraget er fürbas/Wer seind aber die mitt die lauf-
fent/vnd war zü seind sy dir nütz/er antwurt sy seind hunde/nütz die vo-
gel ze süchen die ich mit dem habich vahn soll. Ach lieber sage mir ich
bitte dich sprache der thore/Was seynd die vogel wol wert/ die du das
gantze iare vahest/War umb du so vil mü/arbeit vnd zü bereitens notürf-
tig bist. Der iüngling antwurtet vnd sprach zü im/eins clemen schatzes
sechs oder vvilleichter vier guldm. Do fraget er fürbas vnd sprach/was
ist aber der kosten des pferdes/des habichs/vnd der hunde/vvilleicht
fünftzig guldm sprach der iüngling. Do wunderet er ab der tozheit des
iünglings vnd sprach. O ho ich bitte dich/reitt balde hin weg vnd eyle
schnell von dammen ee das vnser artzet herheym kom/Wann wa er dich
alhie begriffe er satzte dich als den grösesten thoren über alle toren der
welte tieffer in die lachen zü den anderen vnspinnigen vntz über die oren
byß das dir die vnspinn vergieng. Dife schimpfred poggij leret das öbe-
riger fleisse zü dem weidwerck ein überig grosse tozheit ist sy beschehe
dan erwan von den reichen vnd umb nöttlieher ergetzligkeit wegē/doch
gar selten. Dar umbe spricht der canon. Es ist was ein sūnder Wann er w3
ein weidman/Wir haben auch nie keinē heligen weidman funden/schwig
heimt; es müget küntzen.

Von etlichen vnnatürlichen geburden vnd merwunderen.
Vnder geburt seynt auff das iare der geburt cristi
M.cccc.xxxvij. mangerley beschehen. Hugo von se-
mis sagt von einer karzen mit zweyen köpfen. In
paduer lande wart ein kalbe mit zweyen köpfen dz
wart auch in dem lande umb gefüret ze sechen. Jo-
hannes hütz der apotheker ze vlm het ein pferdt
mitt sechs schenckeln aber die mitteln zwen reich-
tent mit auff die erde doch lieb er si auch beschlagē

q 1